

古今醫鑑

十三

三十卷

牙疳	夜啼	盜汗	癩疾	傷食	癰疾	小兒
眼疾	丹毒	虫痛	痰軟	吐瀉	諸熱	驚風
頭瘡	口病	臍風	氣喘	痢疾	感冒	諸疔
發斑						

漢書門	
一六〇	類
二〇	號
二	函
一六	册

內閣文庫	
函	一六〇
册	二〇
架	一六

內閣文庫	
番號	漢 12610
冊數	16 (13)
函號	301 107




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





王宇泰先生訂補古今醫鑑卷之十三


金谿 龔 信 纂輯



子廷賢 續編

金壇 王肯堂 訂補

幼科



形氣發微論

大哉醫乎其來遠矣粵自混沌既判鴻荒始分陽之
輕清者以氣而上浮為天陰之重濁者以形而下
凝為地天確然而位乎上地隕然而位乎下於是
陽之精者為日東升而西墜陰之精者為月夜見

而晝隱兩儀立矣二曜行焉於是玄氣凝空水始
生也赤氣炫空火始生也蒼氣浮空木始生也素
氣橫空金始生也黃氣際空土始生也五行備萬
物生三才之道著矣是以人之生也稟天地陰陽
假父母之精血交感凝結以為胞胎也乾道成男
坤道成女始自襁褓以至齠髻迨其成童與夫壯
年豈易然哉故一月之孕有白露之稱二月之胚
有桃花之譬及其三月則先生右腎而為男陰包
陽也先生左腎則為女陽包陰也其次腎生脾脾
生肝肝生肺肺生心以生其勝已者腎屬水故五

臟由是為陰其次心生小腸小腸生太腸太腸生
膽膽生胃胃生膀胱膀胱生三焦以生其勝已者
小腸屬火六腑由是為陽其次三焦生八脉八脉
生十二經十二經生十二絡十二絡生一百八十
絡絡絡生一百八十纏絡纏絡生三萬四千孫
絡孫絡生三百六十五骨節骨節生三百六十五
大穴大穴生八萬四千毛竅則耳目口鼻四肢百
骸之身皆備矣所謂四月形像具五月筋骨成六
月毛髮生七月則遊其魂兒能動左手八月遊其
魄兒能動右手九月三轉身十月滿足母子分解

其中有延月生者必生貴子不足日月生者必生貧薄之人誕生之後有變蒸之熱長其精神壯其筋骨生其意志三十二日一變蒸生腎氣焉六十四日二變蒸生膀胱之氣焉腎與膀胱屬水其數一也九十六日三變蒸生心氣焉心與小腸屬火其數二也四變蒸生小腸之氣焉心與小腸屬火其數二也一百六十日五變蒸生肝氣焉肝與膽屬木其數三也二百二十四日七變蒸生肺氣焉肺與大腸屬金其數四也二百八十大腸之氣焉肺與大腸屬金其數四也二百八十

八日九變蒸生脾氣焉脾與胃屬土其數五也變蒸已畢下期歲焉齒生髮長神智有異於前也故曰齒者腎之餘也髮者血之餘也爪者筋之餘也神者氣之餘也吁人身之難得也如此哉方其幼也有如水面之泡草頭之露氣血未定易寒易熱腸胃軟脆易飢易飽為母者調攝不得其宜必不能免乎吐瀉驚疳之病矣及其長也嗜慾既開不能脩養是以六氣迭侵於其外七情交戰於其中百憂累其心萬事勞其神一蝸之氣安能無病焉小兒之瘡疹太人

之傷寒尤其甚也所以黃帝問於岐伯曰余聞上古之人春秋皆度百歲而動作不衰今時之人年
至半百而動作衰矣時世異耶人將失之耶岐伯
對曰上古之人其知道者和於陰陽法於術數飲
食有節起居有常不妄作勞故能形與神俱而盡
終其天年度百歲乃去今時之人不然也以酒爲
漿以妄爲常以慾竭其精以耗散其真不知持滿
不時御神務快其心逆於生樂起居無節故半百
而衰矣是故聖人不治已病治未病不治已亂治
未亂夫病已成而後藥之亂已成而後治之譬猶

渴而穿井鬪而鑄兵不亦晚乎

病原論

夫小兒者幼科也初生者曰嬰兒三歲者曰小兒十
歲者曰童子兒有大小之不同病有淺深之各異
形聲色脉之殊望聞問切之間若能詳究於斯可
謂神聖功巧者矣蓋望者鑑貌辨其色也假如面
部左腮屬肝右腮屬肺額屬心鼻屬脾頰屬腎肝
病則面青肺病則面白心病則面赤脾病則面黃
腎病則面黑是乃望而知之也聞者聽聲知其症
也假如肝病則聲悲肺病則聲促心病則聲雄脾

病則聲慢腎病則聲沉此屬於臟又大腸病則聲長小腸病則聲短胃病則聲速膽病則聲清膀胱病則聲微此屬於腑是乃聞而知之也問者問病究其原也假如好食酸則肝病好食辛則肺病好食苦則心病好食甘則脾病好食鹹則腎病好食熱則內寒好食冷則內熱是乃問而知之也切者切脈察其病也假如小兒三歲已下有病須看男左女右手虎口三關從第二指側看第十節名風關第二節名氣關第三節名命關辨其紋色紫者屬熱紅者傷寒青者驚風白者疳病黑者中惡黃

者脾之困也若見於風關為輕氣關為重過於命關則難治矣至三歲已上乃以一指按寸關尺三部常以六七至為率添則為熱減則為寒浮洪風盛數則多驚沉遲為虛沉實為積是乃切脈而知之也太抵小兒之疾大半胎毒而少半傷於食也其外感風寒之症十二而已蓋小兒之在胎也母饑亦饑母飽亦飽辛辣適口胎氣隨熱情慾動中胎息輒躁或多食煎煇或恣味辛酸或嗜慾無節或喜怒不常皆能令子受患其為母者胎前既不能謹節產後又不能調護是以惟務姑息不能防

微杜漸或未滿百晷而遂與鹹酸之味或未及週
 歲而輒與甘肥之物百病由是而生焉小兒脾胃
 本自嬌嫩易於傷積且如乳食傷胃則為嘔吐乳
 食傷脾則為泄瀉吐瀉既久則成慢驚或為疳病
 乳食停積則生濕痰痰則生火痰火交作則為急
 驚或成喉痺痰火結滯則成癰吊或為喘嗽胎熱
 胎寒者稟受有病也臍風撮口者胎元有毒也驚
 口口瘡者胃中有濕熱也重舌木舌者脾經有實
 火也走馬牙疳者氣虛濕熱也愛吃泥土者脾臟
 生疳也胎驚夜啼者邪熱乘心也變蒸發熱者胎

毒將散也丹毒者火行於外也蘊熱者火積於中
 也中惡者外邪乘也睡驚者內火動也喉痺者熱
 毒也眼痛者火盛也膿耳者腎氣上冲也鼻塞者
 因冒風邪也頭瘡者熱毒攻也臍瘡者風濕中也
 尾骨痛者陰虛痰也諸蟲痛者胃氣傷也陰腫疝
 氣者寒所鬱也盤腸氣痛者冷所搏也脫肛者大
 腸虛滑也遺尿者膀胱冷弱也尿濁者濕滯脾胃
 也便血者熱傳心肺也下淋者膀胱鬱熱也吐血
 者榮衛氣逆也小便不通者有陰有陽也大便秘
 結者有虛有實也解顛鶴節者胎元不全也行遲

髮遲者氣血不充也龜胸者肺熱脹滿也龜背者
 風邪入脊也語遲者邪乘心也齒遲者腎不足也
 癆者膈上痰結也痢者腹中食積也咳嗽者肺傷
 風也喘急者痰氣盛也心痛者蟲所嚙也腹痛者
 食所傷也內傷發熱則口苦舌乾也外感發熱則
 鼻塞聲重也腹脹者脾胃虛弱也水腫者土虧水
 旺也黃疸者脾胃濕熱也癩疹者陰陽毒氣也自
 汗者氣虛也積者有常所有形之血也聚者無定
 位無形之氣也胃主納受也脾主運化也調理脾
 胃者醫中之王道也節戒飲食者却病之良方也

驚疳積熱者小兒之常病也望聞問切者醫家之
 大法也若夫療疾用藥如箭箭中鴻心者則又可
 以心悟而不可以言傳也孟子所謂梓匠輪輿能
 與人規矩不能使人巧斯言得之矣

入門審候歌

觀形察色辨因由陰弱陽強髮硬柔若是傷寒雙足
 冷要知有熱肚皮求鼻冷便知是瘡疹耳冷應知
 風熱証渾身皆熱是傷寒上熱下冷傷食病
 五指稍頭冷驚來不可當若逢中指熱必定是傷寒
 中指獨自冷麻痘證相傳女右男分左分明仔細

看

面部觀形察色圖



額上屬心火南

左腮屬肝木東

鼻準屬脾土中

右腮屬肺金西

下頰屬腎水北

觀面部五色歌

面赤為風熱面青驚可詳心肝形此見脈證辨溫涼

觀面部五臟形色歌

心經有冷目無光太陰黑目無光面赤須言熱病

當面頰赤色此赤在山根驚四足山根赤色心經

也積看虛腫起陰陽腫心有積也

肝經有冷面微青面青為肝受有熱眉胞赤又臨

倉黃是積果深眉上有紅赤髮際白言驚氣久

脾冷應知面色黃面黃印堂反白三陽有病熱為

脾怯黃疰積虛寒眈白光若逢生黑氣腎敗命須

亡

殃三陽上白者青居髮際生驚候髮際及印堂色

唇口皆黃是積傷脾上下唇黃為

肺肺受面白冷為由白色在面皮及人中熱赤人中

及嘴頭人中及嘴頭有赤者肺有熱也青在山根驚四足山根青色是肺

受驚熱居髮際積為仇髮際赤色乃有積也

腎面黑當知腎臟寒面帶黑者腎有冷也食倉紅是熱須看倉食

紅者腎風門黃可言驚入風門黃者腎有驚也兩目微沉積

所干兩目微沉是積在腎也

虎口三關脉紋圖

三關在第二指側看第三節



風關第一節寅位

氣關第二節卯位

命關第三節辰位

虎口叉手處是也

木三關紋色主病歌

紫熱紅傷寒青驚白色疳黑時因中惡黃即因脾端

青色大小曲人驚并四足赤色大小曲水火飛禽蹠

紫色大小曲傷米麵魚肉黑色大小曲脾風微作

搖

古今醫鑑 卷十三

三關脉紋變見歌

魚刺驚風証莫疑氣關疳病熱相隨命關見此為
 難治此是肝家轉到脾初節懸針瀉痢生氣關肺熱更疳疑三關直透黃
 泉近此候須知是慢驚水字生驚肺受風氣關喘嗽積痰攻醫人仔細詳
 虛實出命驚疳夾証凶乙字驚風肝肺隨氣關形見發無時此形若直命
 關上不久相將作慢脾曲蟲為候主生疳若見氣關積穢肝直到命關為

不治須知心臟已傳肝

雙環肝臟受疳深入胃氣關吐逆臨若是命關為

死候枉教醫者更勞心

流珠形見死來侵面上如斯也不生縱有神丹人

不救醫人仔細更丁寧

傷寒斜向右

傷食七堪儔

雙鈎傷冷定

逢驚山字浮

絲紋將發搐

① 丰字引堪愁

② 若遇傷風証脉斜向左軌

③ 形如新月樣向右氣疳留

④ 若是彎居左風疳藥可投

⑤ 形如三疊曲傷硬物為仇

⑥ 更有環生脚

⑦ 尤嫌上下鈞皆為傷冷候醫者用心求疳極如勞

狀亂蟲皆可憂

⑧ 交了紋互疊腹面見因由

⑨ 更有青筋貫百中無一瘰

小兒脉法總歌

小兒有病須憑脉一指三關定數息遲冷數熱古今

傳浮風沉積當先識左手人迎主外証右手氣口

主內疾外候風寒暑濕侵內候乳食痰與積洪緊

無汗是傷寒浮緩傷風有汗液浮洪多是風熱盛

小沉細元因乳食積沉緊腹中痛不休弦緊喉間作

氣急緊促之時疹痘生緊數之際驚風至虛軟慢

驚作瘰癧緊實風癩發搐搦軟而細者為疳蟲牢

而實者因便閉脉芤大小便中血虛濡有氣兼驚

悸滑主露濕冷所傷弦急客忤君須記大小不勻

古今醫鑑 卷之三
為惡候二至為脫三至卒五至為虛四至損六至
至平和日無疾七至八至病尤輕九至十至病勢
極十一至死無疑此訣萬中無一失

小兒指脈歌

小兒食指辨二關男左女右一般看皆知初風中氣
候末是命關易亦難要知虎口氣紋脈倒指看紋
分五色黃紅安樂五臟和紅紫依稀有損益紫青
傷食多虛煩青黑之時証候逆忽然純黑在其間
好手醫人心膽寒若也直上到風關粒米短長分
兩端如鎗衝射驚風至分作指又有數般弓反裏

順外為逆順逆交連病已難又頭長短有可救如
此醫人仔細看男兒二歲尚為嬰三歲四歲幼為
名五六次第年少長七齡入齒漸論情九歲為童
十稚子有病關格辨其因十一癩疾號癩風疖病
還同勞病攻痞癖定為沉重候退他潮熱不相同
初看掌心中有熱便知身體熱相從肚熱身冷傷
積定脚熱額熱是感風額冷脚熱驚所得瘡疹發
來耳後紅小兒有積宜與現傷寒三種解為宜食
瀉之時須有積冷瀉須用與溫脾水瀉宜與泄臟
腑先將滯竭散與之孩兒無事忽大叫不是驚風

古今醫鑑 卷卅三
是天吊大呌氣促長聲粗誤吃熱毒悶心竅急須
吐下却和脾若灌驚藥真堪笑

小兒死候歌

眼生赤脉貫瞳人額門腫起又作坑指甲黑色鼻乾
燥鴉聲忽作肚青筋虛舌出口咬牙齒目多直視
不轉睛魚口氣急啼不得蛔蟲既出死形真手足
擲搖驚過節靈丹十救一無生

驚風

脉 總見前

病 小兒疾之最危者無越驚風之証也蓋驚有急驚

有慢驚有慢脾風三者之不同急者屬陽陽盛而
陰虧慢者屬陰陽虧而陰盛慢脾者亦屬陰陰氣
極盛胃氣極虛陽動而躁疾陰靜而遲緩其始也
多由小兒氣血怯弱肌膚軟薄神氣未備臟腑未
全在捧抱者愛護如執玉捧盈之類不令踈虞可
也若被掀轟惡逆之音兇猛怪詫之物觸犯小兒
則致面青口噤或聲嘶而厥發過則容色如故良
久復作其身熱面赤口乾引飲口鼻中氣熱太小
便黃赤色惺惺不睡牙關緊急壯熱涎潮上竅反
張搐搦顫動唇口眉眼眦引頰併其脉浮數洪緊

蓋熱盛則生痰，痰盛則生風，偶因驚而發，耳則急驚，屬於肝木，風邪痰熱有餘之証，治宜清涼苦寒瀉氣之藥，以敗毒散之類。慢驚之候，多因飲食不節，損傷脾胃，以致吐瀉日久，中氣大虛，而致發搐。發則無休止時，其身冷，面黃，不渴，口鼻中氣寒，大小便清白，昏睡，露睛，目上視，手足瘳癢，筋脈拘攣。其脈沉遲散緩，蓋脾虛則生風，風盛則筋急，俗云：天吊風者，卽此候也。此慢驚屬於脾土，中氣虛損不足之候，治宜和甘溫補氣之劑，以補脾湯之類。慢脾風証，蓋由慢驚傳次而至，慢驚之後吐瀉

損脾病傳已極，總歸虛處，惟脾所受，故曰慢脾。又名虛風，其病則面赤額汗，舌短頭低，眼合不開，困睡中，搖頭吐舌，頻嘔腥臭，噤口咬牙，手足微搐而不收，或身冷，或身溫，而四肢厥冷，其脈沉微，治法大要生胃回陽，宜黑附湯之類。俟胃氣漸復，則用異功散，溫平而調理之。若其眼半開，半合，手足不冷，証候尚在，慢驚則不用回陽，或已入慢脾，用陽氣未甚脫者，亦不可用硫黃附子，凡服回陽湯劑，手足漸暖者，仍以醒脾散等繼其後，以調之。慢驚慢脾逆惡之候，急驚搐搦暴烈之証，太抵急驚，易

古今醫鑑 卷十三 百

療而慢驚難痊至於慢脾危篤之疾雖神工妙手莫易治焉醫者宜分急慢脾風二證要察虛實冷熱四候慎毋混於一途而治故曰虛者補之實者利之冷者溫之熱者涼之是為活法又易曰化而裁之存乎變神而明之存乎人此之謂也若以一例而施之豈非刻舟求劍之術耶

不驚風不治證

急驚眼睛翻轉口中出血兩足擺跳肚腹搐動或神緩而摸體尋衣或証篤而神昏氣促噴藥不下通關不嚏心中熱痛忽大叫者不治

慢驚四肢厥冷吐瀉咳嗽面黧神慘鴉聲胃痛兩脇動氣口生白瘡髮直搖頭眼睛不轉涎鳴喘噎頭軟大小便不禁手足一邊牽引者皆不治
 慢脾身冷粘汗直臥如屍喘嗽頭軟背直口噤搖頭痰如牽鋸之聲面無潤澤之色縮唇氣粗者不治
 方探生散 治小兒急慢驚風諸藥無效用此吹鼻定其生死

雄黃 一錢 沒藥 一錢 乳香 五分 麝香 一字

右為末用少許吹鼻如眼淚鼻涕俱出者可治
 ○敗毒散 治急驚風初起發熱手足搐搦眼上視

○等証弁一切感風寒頭疼發熱咳嗽鼻塞聲重及蒼疹欲出發搐宜服之

人参 羌活 獨活 柴胡

前胡 茯苓 枳殼 桔梗

天麻 全蝎 僵蚕

白附子 地骨皮 甘艸 各等分

○牛黃抱龍丸 治小兒急慢驚風痰嗽潮搐及傷風瘟疫身熱昏睡氣喘風熱痰實壅嗽喘急一切發熱並宜服之弁痘疹首尾可服此藥能鎮

驚安神寧心定智除諸熱住痰涎止嗽定喘壯實小兒痘時少與服之則免痰熱驚風之証神效無比

南星 為末臘月納牛膽中陰乾百日取研一兩 天竺黃 五錢

雄黃 一錢半 辰砂 二錢半 麝香 一錢 珍珠 一錢

琥珀 一錢 牛黃 五分 金箔 十片

右為細末水煮甘艸膏和為丸如芡實大金箔為衣每三歲兒服一九五歲兒服二九十歲兒服三九滾水待溫磨化服驚風薄荷湯磨化

下

按此方治急驚風之劑

○珍珠丸 海一傳 治急驚風眼上視筋脉急擺頭搐

搦涎潮壯熱風痰氣喘及臍風撮口痰嗽壅塞
停乳肚腹脹硬等證

南星 泡 半夏 泡 滑石 各一錢半 巴苳 二十個 去殼

去油 輕粉 五分 硃砂 五分

右為末 麩糊丸如黍米 大每服量兒大小加減
驚風薄荷湯下傷食茶下二歲三五丸以利
為度

○補脾湯 治小兒脾經不足土敗木來侮目睛微
動搖微驚搐或潮熱往來脾胃有傷飲食少進

或泄瀉嘔吐面色黃脉無力宜調理脾胃

陳皮 五分 白朮 三錢 半夏 七分 黃芪 五分

人參 五分 白茯苓 七分 當歸 五分 川芎 五分

白芍 酒炒 黃連 炒四錢 內苳蕘 煨五分

乾葛 五分 神麩 炒五分 甘州 灸四分

右剉一劑生薑三片水煎溫服

○醒脾散 治小兒吐瀉不上作慢驚風脾困昏沉

默默不食

人參 白朮 茯苓 木香

全蝎 僵蚕 白附子 天麻

按此方治慢驚風之劑

古今醫鑑 卷十三

古今圖書集成醫部全錄

甘草 各等分

右剉薑棗煎服。○一方去天麻殭蚕加兩星泡半夏麩陳倉米二百粒煎服累驗。

○黑附湯

白附子 三錢 泡
木香 半錢
右剉每三錢生薑五片煎服。若是手暖而甦少飲即止。

木香 半錢

○異功散 治小兒吐瀉不思飲食。此藥溫中壯胃療虛冷。

按此方治慢脾風之劑

○紫金錠子 治急慢驚風大有神效。

人參 五錢 茯苓 五錢 白木 炒各一錢半

橘紅 七分 木香 五分 甘草 五分

○紫金錠子 治急慢驚風大有神效。

天小良人參 白木 白茯苓 茯神

赤石脂 醋煨 辰砂 各二錢半 麝香 五分

牛黃 五分 殭蚕 五分 青礞石 煨一錢

五鬻芝 五分

右為末糯米糊為丸如彈子大。金箔為衣。每一粒薄荷湯磨化服。

○保幼化風丹 治小兒四証入候去風痰散驚熱。

古今圖書集成

醫部全錄

卷之三

南星 半夏 川烏 白附子 各一兩水

洗淨 鬱金 五錢

右為末裝入臘月黃牛膽內陰乾百日取出研為末每兩入雄黃硃砂硼砂硝磺各一錢片腦麝香各少許共為末煉蜜為丸晚壹大燈州薄荷湯研化下

按此方治一功急慢驚風之劑

夫小兒有熱熱盛生痰痰盛生驚驚盛發搐又盛則牙關緊急而入候生焉搐搦掣顛反引窺視是也搐者兩手伸縮搦者十指開合掣者勢如相撲顛者頭偏不正反者身仰向後引者臂若開弓窺者

目直似怒視者睛露不活是謂入候也其四証者即驚風痰熱是也而化風丹悉能主之

治小兒驚風並退只是聲啞不能言并諸病後不能言

天南星去皮臍一箇泡為末每半字或一字三五歲半錢用豬猪膽汁食前調下即言

炙小兒驚風男左乳黑肉上女右乳黑肉上周歲炙三壯二三歲炙五七壯

炙小兒慢驚慢脾危証藥力不到者但看兩脚面中間陷處有太衝脉即炙之又百會穴其穴直取前

後髮際折中橫取兩耳尖折中在頭之中心端正旋毛處是也如有雙旋及旋毛不正者非艾炷約小麥許但灸三五壯而止灸後仍以醒脾散等補

諸疳

脈 小兒脈單細為疳勞○虎口脈紋白色為疳
病 夫諸疳者謂肥甘飲食之所致也蓋小兒脾胃懦弱多為母之舐犢之愛不知調養之法遂令恣食甘肥瓜果生冷之物一切烹飪調和之味以其朝食暮食漸成積滯膠固而不為疳者鮮矣或嬰幼

缺乳粥飯太早耗傷形氣者又或因久患瘧痢吐瀉及生諸病誤以下藥致損脾胃亡津液而然者皆能致身熱體瘦面黃肚大青筋蟲痛瀉痢等証
治宜理脾胃消積化蟲清熱止瀉疳積以肥兒丸疳積餅為主此二方不問諸疳冷熱服之最效太抵疳之為病皆因過食飲食於脾家一臟有積不治傳之餘臟而成五疳之疾何為五疳心肝脾肺腎也如疳在心則面赤口乾咬牙舒舌口舌生瘡身熱體瘦以安神丸主之疳在肝則面青筋膜遮睛搖頭揉目多淚頭焦髮豎筋青腦熱瘦弱以補肝

湯主之疳在脾則面黃身熱腹脹肚大好食泥土水穀不消泄下酸臭因睡減食肌瘦以益黃散主之疳在肺則面白咳嗽喘逆口鼻生瘡咽喉不利壯熱惡寒鼻流清涕以清肺湯主之疳在腎則面黑肌肉瘦而體生瘡身熱尿澀手足冰冷口臭乾渴以地黄丸主之內疳則目腫脹利色無常或沫清白漸而瘦弱此冷證也宜木香丸主之外疳鼻下赤爛自揉鼻頭有瘡不結痂遠目而生當用蘭香散治之太抵疳病當辨冷熱肥瘦而治其初病者為肥熱疳久病者為瘦冷疳冷則用木香丸熱

則用黃連丸臨証宜審治焉

方肥兒丸 劉尚書傳 消疳化積磨癖清熱伐肝補脾

進食殺蟲養元氣

- 人參 去蘆三錢半
- 黃連 薑汁炒三錢半
- 神麩 炒三錢半
- 麥芽 炒三錢半
- 山查肉 三錢半
- 白朮 去蘆三錢
- 白茯苓 去皮三錢
- 史君子 去殼四錢
- 胡黃連 五錢
- 甘艸 炙三錢
- 蘆薈 二錢半碗盛泥封固置土坑中四面穀糠火煨透用之

右為細末黃米糊為餅米湯化下或作小丸亦可每服二三十丸量兒大小加減服之

○疳積餘 毛惟中傳 治小兒五疳諸積肚大青筋面

此方治一切諸症
一消一補
平和之劑

黃肌瘦飲食少進或瀉或痢或腹痛

青皮去穢五錢 陳皮五錢 山查肉五錢 神麩炒五錢

麥芽炒五錢 砂仁炒四錢 白木去蘆六錢 三稜煨五錢

莪朮煨五錢 木香五錢 檳榔四錢 甘艸炙四錢

小茴炒三錢 史君子去殼二兩 川練子酒蒸去核

夜明砂炒三錢 乾蟾蜍一箇 柯子去核四錢

川黃連去毛淨六錢 清水浸取汁和藥末

右焙乾為細末用好細白麩六片微炒黃以砂

糖十兩水煮化和前麩藥得所印作餅子每重

一錢每服三五餅任意嚼吃

五積餅山東德府傳 治小兒疳積食積蟲積肉積

氣積冷積腹脹大如鼓青黃肌瘦洩瀉發熱不能服藥者

三稜醋炒一錢 莪朮醋炒一錢 青皮去穢一錢 陳皮一錢

木香一錢 黃連薑汁炒一錢 川練肉二錢

檳榔二錢 神麩炒三錢 麥芽炒三錢 砂仁三錢

史君子肉五錢 胡黃連五錢 白木炒六錢

龍膽艸六分 山查肉二兩 乾蟾蜍五隻

右為細末用炒過白麩五斤黑糖二斤并前藥

和勻用印作餅子約重一錢每服三五餅服過半月大效

○安神丸 治邪熱驚啼心疳面黃頰赤壯熱

麥門冬去心 五錢 白茯苓 五錢

甘草炙 五錢 硃砂 一兩 龍腦 一字 牙硝 五錢

右為末煉蜜為丸如芡實大每服半丸砂糖水磨化下慢驚用參朮煎濃汁化下

○補肝湯 治肝疳眼閉不開內有朦霧

五藤生地 一兩 熟地 一兩 川芎 二錢 赤茯苓 二錢

枳殼炒 二錢 黃連 二錢 杏仁 二錢水泡去皮

半夏麩 二錢 天麻 二錢 地骨皮 二錢

甘艸 二錢 白朮 二錢 白芍 二錢

右剉每二錢薑三片黑豈十五粒水煎臨臥服

○益黃散 治脾疳脾胃虛寒體黃腹大好食泥土

肺疳氣喘口鼻生瘡等證

人參 一錢 白朮 二錢 陳皮 一錢 青皮 五分

柯子皮 五分 甘艸 五分 丁香 二分

右剉下劑水煎溫服古方無參朮

○清肺湯 治肺熱疳慝蝕為穿孔汁臭或息肉

桑白皮炙 紫蘇 前胡 黃芩

當歸 天門冬去心 防風

○赤茯苓 桔梗 甘草 生地黃各等分

右剉每二錢水煎食後服

○地黃丸 治腎疝肌體極瘦生瘡疥寒熱正作頭

極熱足冷如水肝疝白膜遮睛筋疝瀉血骨疝

喜臥冷地又治胃怯不言解順小兒年長不能

○熟行者專服有效

○熟地黃酒洗 山茱萸酒蒸去核

乾山藥三錢 澤瀉三錢 牡丹皮三錢 白茯苓一錢

右為末煉蜜為丸如梧桐子大每五七丸空心

熱水化下年長者量增丸數

○木香丸 治瘦冷疝及疝在內

○小蘗 木香二錢 青黛二錢 檳榔二錢 肉荳蔻二錢

麝香一錢 續隨子一兩 蝦蟇大壯者三個燒

右為細末煉蜜為丸如菘菹大每服三五丸至

二十丸薄荷湯下食前服

○黃連丸 治肥熱疝

胡黃連五錢 川黃連五錢 硃砂二錢半

右為細末和勻填入豬猪膽內用淡漿煮以杖

子如銚子，上用線約之，勿着底候，一時取出，研入蘆薈麝香各一分，飯為丸，麻子大，每服五七丸，至一二二十九，米飲下。○一方是蝦蟇半兩，焙乾不燒。

○蘭香散 治外疔鼻下赤爛。○大蘆薈三錢，水至

蘭香葉 二錢 燒存性 銅青 五分 輕粉 五分

右為細末，乾付之。

○小蘆薈丸 治疔積癰癧結核耳內生瘡或疔氣

○大蘆薈下疔潰爛或莖出白津，股腹有瘡或體瘦熱渴大便不調，牙齦蝕落頰頰腐爛等証。

○黃土胡黃連 一兩 蘆薈 一兩 木香 一兩

大白雷丸 一兩 青皮 一兩 鶴虱草 一兩 白蕪荑 一兩

右為細末，蒸餅為丸，如麻子大，每服一錢，空心

米湯下。

○一 小兒下疔潰爛發熱作痛。○一 小兒莖中作痒

不時搔捻。○一 小兒腎莖中潰痛小便閉澀日

晡尤甚。○一 小兒目痒出水或項中結核或兩

眼連割或陰囊癢痒年餘矣，俱屬肝火用此立

○大愈。

○大蘆薈丸 治五疳皮黃肌瘦髮直尿白肚大青

筋好食泥炭米茶之物或吐或瀉

煎蒼朮米泔浸炒陳皮薑炒厚朴薑炒青皮薑炒

不枳實炒檳榔京省神麩炒山查去子日

小麥芽炒三稜煨莪朮煨小砂在中抄

米茯苓 黃連 胡黃連 蕪荑仁

史君子 青黛 蘆薈 各等分

○小右為細末史君子殼煎湯浸蒸餅為丸如彈子

大每古丸清米湯化服

○黃土丸 治小兒疳積在脾面黃腹脹咬指甲

不眉毛揉口鼻泥土炭茶紙之類

黃土 一兩 陳皮 一兩 木香 二錢 黃連 五錢

巴荳 去殼二十粒不去油

右為細末麩丸如菜荳大每歲十九黑荳汁下

直候泄五七次疳積盡與益黃散助藥後與疳

百藥常服

癖疾

脉沉細為癖積

病天地氣運固有南北之殊小兒病患亦有彼此之

異北方小兒患癖疾者十恒八九南方小兒患癖

疾者百無一二三是何謂而致之蓋南方水土薄弱
 飲食柔軟易於消化厥疾少矣北方水土燥實麩
 食堅硬難於運動厥疾生焉亦由脾胃之不和也
 故東垣以脾胃為人之主脾胃和一疾不生虧則
 百病生焉小兒脾胃本自柔脆臟腑尚且嬌嫩為
 之毋者多不知調護之法惟務姑息之愛不問鹹
 酸甘肥之味瓜果生冷之物及糝粽濕麩油膩煎
 灸之類諸般稠粘乾硬難化之物順其所欲食之
 過多損傷脾胃脾胃既傷則不能消化水穀水穀
 不化則停滯而痰發發熱既久則耗傷元氣元氣

虛則不能運動其血血遂不行而停滯不散留於
 脇肋之間遂成血塊居於皮裏膜外不能動移始
 則有如錢大發熱則日漸長其形如龜如蛇如猪
 肝肺者長短大小之不一也內有血孔貫通外有
 血筋盤固其筋直通背脊之下與臍相對之間有
 動脈之處乃癰疾之根夫人身之血脈則晝夜循
 環無端一週流及此其血則貫入筋內由筋入孔
 由孔入癰蓋癰得血養而漸長邪得血助而漸盛
 於是正氣愈憊而血愈枯矣發為潮熱以致諸疾
 或頭出虛汗或胸前項下跳動或肚大青筋毛焦

髮豎或面黃肌瘦四肢乾枯淹延日久則毒氣發
 出變生諸症有變為牙疳口臭宜露出血者有變
 為頭面腫大口鼻潰爛者有變為一切瘡毒流膿
 出血者有變為肢體浮腫腰脹氣喘者有變為寒
 熱往來似瘧非瘧者有變為痰嗽喘熱衄吐下血
 者有變為嘔吐瀉痢脫肛下墜者有變為心腹疼
 痛疝氣偏墜者皆瘵毒攻出之所致也變証多端
 難以悉舉乃丸散一生之病非一方一法所能愈
 也

治

治之先宜針灸之法以斷其根使血不貫入筋內

則瘵無血所養瘵即自敗矣外以膏藥貼之內以
 湯丸攻之太抵宜補脾養氣以治其本清熱消塊
 以治其標標本兼濟又當執其權衡以量兒之壯
 弱病之輕重若壯而輕者則治標之藥多於治本
 之劑若弱而重者治本之劑多於治標之藥太槩
 肥兒丸烏金丸阿魏丸千金保童丸之類乃半攻
 半補平和之劑宜對證選用於針灸之後可收十
 全之功也醫斯疾者宜詳究言

方

淨府散 西園公方 治小兒腹中瘵塊發熱口乾小
 便赤

柴胡 錢 黃芩 八分 半夏 薑汁浸 炒八分

人參 二分 白朮 去蘆 七分 白茯苓 去皮 一錢

猪苓 七分 澤瀉 一錢 三稜 煨 一錢 莪朮 煨 一錢

山查肉 錢 胡黃連 三分 甘艸 三分

右剉一劑薑棗煎服

○抑肝扶脾散 雲林製 補元氣 健脾胃 退熱消癥

人參 五分 白朮 土炒 八分 茯苓 八分 陳皮 六分

青皮 炒 六分 甘艸 三分 龍膽艸 酒洗 八分

白芥子 炒 八分 柴胡 酒洗 三分 山查肉 八分

神麴 炒 六分 黃連 薑汁炒 一錢 胡黃連 三分

右剉一劑薑棗煎服

○肥兒丸 方見諸症 治瘕疾如神

○烏金丸 徐副使傳 治瘕塊發熱一料除根

牛黃 二錢 蘆薈 三錢 琥珀 五錢 胡黃連 五錢

人參 六錢 白朮 乳汁炒 六錢 黃連 七錢

檳榔 七錢 三稜 醋煮 七錢 莪朮 醋煮 七錢 地骨皮 七錢

水紅花子 炒 七錢 百艸霜 三錢 伏龍肝 三錢

右為細末糯米糊為丸如菴荳大每服三十九

○阿魏丸 鮑思齋傳

按此方治
癰退熱半
攻補之
良劑也

○白朮

五兩用酥油炒
三兩土炒二兩

蒼朮

三兩米泔水浸二
日去皮再用
半夏 薑製一兩
白茯苓 去皮一兩

○陳皮

一兩

黃連

酒炒二兩

○枳實

二兩炒

蘿蔔子

炒二兩

○紅花

一兩

楮實子

炒二兩

○水紅花子

炒三兩

小桃紅子

炒三兩

○蘆薈

一兩

阿魏

一兩 酥油二兩 人中白 五錢

○黃蠟

三兩 化入藥末內

桃仁

去皮一兩 海帶 二兩

○紫菜

三兩

乾欖

炒一兩 三稜 煨一兩 莪朮 煨一兩

○胡黃連

一兩

沉香

一兩

右煉蜜為丸如梧桐子大每二三十九丸水紅花

子煎湯送下白湯黃酒俱可

○千金保童丸

消癰化積清火退熱殺蟲消疳開

膈除脹養胃和脾進食大人小兒並宜服之

○至寶人參

五錢

白朮

五錢 茯苓 去皮三錢

○蘆薈

一錢

胡黃連

三錢 黃連 炒三錢 蕪荑仁 三錢

○史君子

去殼三錢

夜明砂

炒三錢

○蚶皮

二個

龍膽艸

去蘆三錢 柴胡 三錢

○蒼朮

米泔水浸

青皮

炒三錢 陳皮 三錢

○砂仁

二錢

木香

三錢 檳榔 三錢 三稜 煨三錢

莪木煨三錢半香附炒三錢半枳實炒三錢神麩炒五錢

山查去核三錢半麥芽炒五錢蘿蔔子炒五錢

水紅花子炒五錢加阿魏二錢

右為細末猪膽汁為丸如菘荳大每三五十九食前米飲送下此病切忌猪肉宜食鴿子蝦蟇

○至寶丸許目僧傳

阿魏二錢蘆薈二分天竺黃二分雄黃二分

沒藥二分穿山甲炒成珠二分胡黃連一分

白艸烏童便浸一宿二分礪砂二分

右為細末用好酒和成一塊入銅鍋內再入酒

半茶鍾熬成膏勿令火太悲傷藥力量可丸取出丸如豌豆大每十丸黃酒化下十歲已上服二丸臨臥服待其自然汗出三白服下次重者五七服輕者二三丸熱即退塊亦消須要忌口一方加血竭二分蟾酥三分白艸烏用三分尤

○提金秘方

阿魏若灸二錢血竭一錢雄黃一錢硃砂錢

乳香一錢沒藥一錢沉香五分木香五分

天竺黃五分蘆薈五分穿山甲七片炒成珠

全蝎一錢 木鱉子七個

右為細末每用五分鷄子一個小頂取破將藥入內紙裹蒸熟空心食之神效

○妙靈散 楊見亨傳

阿魏一錢 蘆薈半錢 大黃一錢 天竺黃一錢

雷丸二錢半 甘草水 胡黃連二錢 蜈蚣二條大

紅足者佳 瓦上焙去 乾漆五錢 砂

頭足地上出火毒 炒放地上 去火毒

右為細末用蜜水拌勻置碗內或小瓶內以猪尿泡封口懸鍋內重湯煮半炷香為度埋土中

一宿次日取出每服九釐或茶或酒或米湯下

○五黃丸 劉繼洲傳 退熱如神

牛黃一分 蘆薈二分 阿魏二分 天竺黃一分

雄黃一錢 胡黃連二分 蜈蚣二條去頭尾

○右為細末黃蠟五錢鐵杓化開為丸如菘荳大

每五七丸量兒大小黃酒送下或將黃蠟煎雞

子入藥於內嚼吃亦可

○將軍散 劉繼洲傳

川大黃五錢 酒浸蒸 蕎麥麩炒黃

阿魏一錢

按此方治癰疽疔之

右為細末每服三分燒酒調服

○食物秘方 盧誠庵傳 此方治癩最效宜多用之

○洗軍硼砂二錢 硃砂二錢 大黃一兩 芒硝一升

用核桃一百個敲損同藥入水二十碗煮一炷香為度取出無時令兒食之

○一方用鷄子五個阿魏五分黃蠟一兩鍋內煎一

處分作十服細嚼溫水下空心服諸物不忌腹中作痛無妨十日後大便下血乃積化也

○一方硼砂一錢硃砂一錢木鱉子去殼五個紅花

一錢半蜈蚣一條穿山甲五片麩炒黃色為末

令一處用猪曹頭肉一斤煮軟切片撒藥用磁器盛肉藥鍋內蒸爛任意食之

一方急性子一兩川太黃一兩水紅花子一兩各

俱生用右為細末每用五錢外皮硝一兩拌勻

用白鷄鴿一隻去毛屎刮腸勿粘水以布拭淨

將末藥裝入內線縫入鍋內水三碗紙封口用

細細火煮令水乾將鴿子番復焙黃色冷定早

晨食之黃酒送下時刻住熱三日後大便下血而愈忌冷物百白 張可亭傳

一方用鴿雛一隻事淨硼砂四分硃砂五分為末

按此方治
癰食峻攻
之劑

一擦遍鴿雛碗盛入鍋上用瓦盆罩住四圍用茅
硝半斤封住着火蒸之任意食之一

一方辰砂一錢礪砂一錢礪砂一錢阿魏一錢三
稜二錢莪朮二錢全蝎一對血蝎五分水紅花
子炒三錢共為末皮硝半斤水澄清用鴿子一
箇去毛腸將藥一錢撒在鴿子內上用硝水三
碗入確煮熟食之三服全愈 李桐峯傳

一方威靈仙一兩劉寄奴一兩芒硝一兩為末每
用小鶉鴿一隻如法事淨去毛腸將前藥末一
錢裝入鴿肚內以線縫固用酒醋各一碗同煮

令乾取鴿去藥只吃鴿子二三隻退熱五七隻

全消

○青黛丸 郭師傳傳 治小兒癰疾發熱上攻牙齦腮

頰腫痛生瘡及治諸熱痰嗽傷風身熱并痘疹
出不快身極熱眼黃皆可服

青黛 水飛 二錢 黃連 猪膽汁 炒 二錢 石膏 火煨 二錢

連翹 去穢 三錢 桔梗 一錢 升麻 一錢 黃芩 酒炒 二錢

薄荷 二錢 防風 半錢 半夏 薑製 二錢 牛膽南星 二錢

貝母 二錢 枳實 錢半 莪朮 醋炒 一錢

木香 二錢 檳榔 二錢 香附 童便浸 三錢

古今醫鑑 卷十三 三

山查肉二錢 砂仁一錢 人參去蘆一錢半
 白朮三錢 茯苓二錢 甘草二錢 紫蘇二錢
 麻黃二錢

按此方治
 癰腫上攻
 願頰腫痛
 初作之劑

右為細末，稀糊為丸，如棗莖大，每服五七分，或一錢量，兒大小身熱薄荷湯下。○咳嗽五味子桑白皮湯下。○頭痛身熱川芎湯下。○痘疹酒下。○傷風身熱麻黃紫蘇湯下。○又治木人傷酒傷食傷氣傷風頭疼，每服百丸薑湯下。

○消毒散 治癰毒上攻，頭面頰頰腫起疼痛及一切惡毒瘡腫如神。

白芷 鬱金 大黃 天花粉
 草烏 南星 貝母 木鼈子
 白芨 黃柏 皂刺 石灰
 甘草 石膏 各等分

右為細末，同鷄子清調付，立消。內服，犀角化毒丹一二丸，其腫痛立效。

○清香散 張和川傳 治小兒癰疾生牙疳潰爛臭穢

珍珠焙黃各等分 象皮焙黃 沒藥 輕粉炒 孩兒茶
 象牙焙黃 紅褐燒灰 海巴焙乾

右為細末搽患處登時痛止生肌如神

○信甲綠袍散 買蘭峯傳 治小兒疳疔牙齦臭爛牙

齒脫落皮肉破壞

○清香紅棗 五枚去核每一棗入 黃柏 五分

丹青黛 三分 穿山甲 五分 燒

右為極細末和勻搽患處立效

○治癬疾口內疳瘡牙齒臭爛 周逢乾傳

紅棗 去核每一棗入白硫磺一塊

右用竹簽挑入患處低頭開口流水連上數十

遍即自奏效

○治癬疾熱毒上攻腮頰潰透如蓋口大

象牙一錢 琥珀一錢 珍珠一錢 海巴一錢

人中白 即尿桶內白霜刮下一錢

右為細末摻入頰頰爛處直待內將好之際用

利刀四圍割破見血一面將太雄雞冠割去齒

○直劈開如患處一般大乘熱貼在患處四圍用

生肌散方見癰癤敷之令患者側臥患處向上

勿犯湯水太半日未用藥之先將飲食吃飽次

日方可食其鷄冠要割得平正四邊要薄些方

得妥貼

○治癰氣上攻牙腮腐爛劉嵩臯傳

桃花信一塊桑柴火內燒紅淨入細茶濃酒內如此七次去信

雄黃茶油內和勻

右用鷄翎頻掃患處止痛生肌立時見效

○玄武膏方外人傳治癰退熱

大黃一兩 梔子一兩 礪砂一錢 木鼈子六兩

礪砂一錢 雄黃一錢共為細末 直棗肉皮硝一撮

油核桃二個 大蒜五片 白花菜四錢晒乾

黑狗腦子一個

○好燒酒一鍾將前六味藥末摻入後藥內同搗

為餅每用一餅貼癰上用熱湯瓶熨餅上如冷再換熱瓶熨之後用布帛扎住貼二三日去藥再停一二日再換一餅依前法用忌生冷油膩

○水發物

○紅花膏京師傳

水紅花科一捆熬膏 麝香三錢 阿魏三錢

血竭三錢 沒藥五錢 赤芍一兩 當歸一兩

右為細末入膏內攪勻以青布攤貼患處

○黃龍膏周仁山傳

黃狗腦子三個 黑礬半斤 皮硝半斤

○黃將一分用麪圈瘰癧藥入圈内熨斗熨至乾成餅
去了每十日一次三日為止又停一日將甘州
甘遂一處為末絹包水浸瘰癧一頓飯時即服
桃仁承氣湯一劑打下血塊未下再進一服神
效

○水潤膏 張大尹傳

再大獨蒜三四個 大黃一兩 皮硝五錢
再麝香一分 赤石脂一錢 水紅花子七錢
右五味為末將蒜搗爛和末令勻敷患處用紙

○貼住乾則水潤之一晝夜能從口中出藥氣瘰
即消矣

○黑龍妙化膏 劉少保公傳 貼瘰癧血積氣積疔積
食積等疾

川烏一兩 艸烏一兩 當歸一兩 白芷一兩
赤芍一兩 生地一兩 熟地一兩 兩頭尖一兩
官桂一兩 三稜一兩 莪朮一兩 穿山甲一兩
木鼈子一兩 去殼淨 巴荳一兩 去殼一
革麻仁一兩 個一百

右剉碎用香油二斤浸三日文武火熬至焦黑

濾去渣將油再熬至半炷香下黃丹炒黑色一斤研同熬以柳條攪不住手滴水成珠不散為度取出入後藥

乳香一兩沒藥一兩木香一兩麝香二錢

五靈芝一兩

右為細末入內攪勻磁器盛之量疾木小用五倍子染過狗皮攤貼半月一易製藥勿犯婦人手及鷄犬見之忌食羊魚等肉發物二三個月

大效

○化癬膏 范任庵傳

真香油一斤好黃丹半斤川烏五錢甘遂五錢

當歸五錢甘艸五錢蠅螂二十個穿山甲五錢

木鼈子五錢

右先將油入鍋內用前七味熬焦去渣入黃丹熬成珠離了火入後藥

蘆薈五錢阿魏五錢礬砂五錢礬砂五錢

皮硝五錢麝香五錢水紅花七錢

此七味為細末入內隨用每十個重三錢頭貼時先用皮硝水洗患處極淨然後貼上三日覺肚皮痒七日覺疾甚痛即其驗也忌生冷油膩

等物

○傷水張南川消癰膏

香油一斤 桃仁一兩 榆二兩 椿一兩

槐一兩 柳一兩 柏枝一兩 楮一兩

猪宗四兩 血餘一兩 水紅花穗一斤

已上俱入油內煎焦去渣又入後藥

黃連一兩 黃芩一兩 黃柏一兩 梔子一兩

大黃一兩 連翹一兩 川烏一兩 兩頭尖一兩

川芎一兩 防風一兩 荆芥一兩 木鼈子一兩

薄荷一兩 蒼朮一兩 苦參一兩 穿山甲一兩

當歸尾一兩 草薢仁一兩 入油內煎焦

撈出秤前油如油一兩入黃丹五

錢熬至滴水成珠離火待溫入後細藥

白阿魏一錢 血竭一錢 蘆薈一錢 礪砂一錢

硃砂一錢 乳香一錢 沒藥一錢 胡黃連一錢

茶兒一錢 輕粉一錢 雄黃一錢 天竺黃一錢

蜈蚣三條 朝腦一兩 麝香三分

臨攤貼藥入麝貼患處神效

○挑筋灸癰法

令患人低坐彎腰醫以右手大指中指橫掐住

兩膀骨尖上相平橫過中間脊骨陷處是穴將
 牙花記住用手按脊下一寸許則上記牙花必
 跳動是真穴不動不是穴於動處用藥製過紙
 擦之使皮肉麻木用艾灸下炷將大布針穿絲
 線一條將針放斜橫刺入皮如艾炷大穿到線
 慢慢勒破皮然後再用針斜入橫挑過線勒斷
 白筋四五條出鮮血易治出紫血難愈用二真
 七末少許搽上血即止再用艾灸三壯用前膏
 藥貼之當時熱退指日瘰消神效
 製紙法用花椒樹上馬蜂窩為末用黃蠟蘸末

知痛 香風膏
 灸瘰法穴在小兒背脊中自尾骶骨將手揣摸脊
 骨兩傍有血筋發動處兩穴每一穴用銅錢三
 大文壓在穴上用艾煙安錢孔中各灸七壯此是
 瘰之根貫血之所灸之瘰即發即可見效灸不
 着血筋則瘰不發而不效矣
 治小兒疳積眼矇髮豎者 郭師傳方

- 遠志 去心一分 錢七分
- 蒼朮 米泔水浸 一錢七分
- 三稜 錢一分 木鼈子 去殼一分 錢七分
- 檳榔 火炮一分 錢七分

古今醫鑑 卷十三 疳積

用牙猪肝一付竹力切片皮硝水洗淨將藥末
 撒_レ上仍用竹簽貫_レ合兩片爲_レ一蒸_レ下炷香爲_レ度
 取出仍將皮硝水洗_レ之露_レ一宿病人服任意多
 寡或煎煮不拘輕者半付重者一付

諸熱

方大連翹飲 治小兒心經邪熱心與小腸受盛乃
 水竇之處常宜通利壅則結滑則脫熱則溼盛
 則淋平涼心火三焦自順不待疾作而解証成
 而療者疎待有之矣一十五味加湯使用纔覺
 蘊熱寒熱寒邪風邪胃之肺經心將受之不受

則觸傳於小腸或閉或澀或赤或白淋瀝不通
 榮衛不行壅滯作疾其發多端以致肝熱眼目
 赤腫唇口白瘡津液不生涕唾稠盛須在表裏
 俱得其宜驚風悉能散之痰熱亦自消除連翹
 之功可謂大矣

- 連翹 八分
- 瞿麥 八分
- 滑石 八分
- 車前子 八分
- 赤芍 八分
- 梔子 四分
- 木通 四分
- 牛蒡子 八分
- 防風 四分
- 荆芥 二分
- 當歸 四分
- 黃芩 一分
- 甘草 一分
- 柴胡 一分
- 蟬退 五分

右剉竹葉十個燈心十莖水一碗煎至七分不

拘時服○風痰熱變熱蒸加麥門冬○實熱丹
 熱加大黃○胎熱瘡疥餘毒熱加薄荷葉○癰
 癰加大黃芒硝

○犀角化毒丹 陳白野方治小兒蘊積熱毒唇口腫

破生瘡牙齦出血口臭頰赤咽乾煩燥不寧并
 痘疹餘毒未解或頭面身體多生瘡癩

犀角 鎊三錢 桔梗 一兩 青黛 二錢 牛旁子 微炒 五錢

連翹 去穢 六錢 玄參 六錢 朴硝 三錢 生地黃 酒洗 五錢

粉艸 三錢 赤茯苓 去皮 五錢

右為末煉蜜為丸如龍眼大每服一丸薄荷湯

化下兼有驚加硃砂研細為衣

感冒

方羌活膏 治小兒風寒外感驚風內積發熱喘促

咳嗽痰涎潮搐并痘疹初作

羌活 七錢 獨活 七錢 前胡 七錢 川芎 七錢

桔梗 五錢 天麻 五錢 薄荷 三錢 甘艸 二錢

人參 五錢 地骨皮 三錢

右為細末煉蜜為丸如芡實大每十九薑湯研
 化下

○抱龍丸 治傷風痘疫身熱昏睡氣粗喘滿痰實

○ 瘞癩及驚風潮搐蠱毒中暑並可服之壯實之
兒宜時與服之

南星 為末入臘月黃牛膽中
陰乾百日取出八錢 天竺黃 四錢

麝香 一錢 雄黃 四錢 辰砂 四錢

右為細末煮甘草膏為丸如皂角子大每服一
丸滾熟水化下百碎內者作三服或用臘雪水
煮甘草膏汁和藥尤佳

傷食

方 萬億丸 方見通治 治小兒傷食肚脹發執驚風痰

嗽一切停滯內傷外感並治

○ 啓脾丸 消食止泄止吐消疳消黃消脹定腹痛

益元氣健脾胃

人參 一兩 白朮 去蘆 一兩 山查 去核取肉 一兩

陳皮 炙五錢 澤瀉 炙五錢 甘州 五錢 白茯苓 去皮 一兩

乾山藥 一兩 蓮肉 去心皮 一兩

右為細末煉蜜為丸如棗莖大每三四十九空
心米飲送下或為餅以米飲研化服亦可小兒
常患食傷諸疾服之立愈

○ 消食散 治小兒腹痛多是飲食所傷治宜和脾

消食

白米

去蘆去油陳壁

紅陳皮

溫水洗去

南香附米

去毛炒七分

山查

蒸去核取

大麥芽

炒錢

四花青皮

去穰七分

砂仁

去殼錢

甘艸

神麴

炒七分

右為細末每服一錢七分童兒大小清米飲或

白湯任下生薑煎服亦可○有寒加藿香吳茱

萸○有熱加炒黃連

吐瀉

方燒針丸治小兒吐瀉

黃丹

水飛過

硃砂

白礬

火煨洛

等分

右為末棗肉為丸如黃荳大每服三四丸戳針

尖上放燈焰上燒存性研爛涼米泔水調服瀉

者食前吐者無時外用菴草粉以鷄子清和作

膏塗兩脚心如瀉塗顛門止則去之

○白朮散治吐瀉或病後津液不足口乾作渴和

胃生津止瀉痢將欲成慢驚風者

人參 白朮 藿香 白茯苓 去皮

乾葛 木香 甘艸 各等分

水煎服○若小兒頻瀉痢將成慢驚加山藥

扁荳肉荳蔻煨各一錢用薑一片煎○若慢驚

已作加細辛天麻各一錢全蝎三個白附子八
 分暴煨○若冬月小兒吐蛇多是胃寒胃虛所
 致加丁香二粒○如胃虛不能食而大渴不止
 者不可用淡滲之藥乃胃中元氣少故也與此
 湯補之加天花粉○如能食而渴者白虎湯加
 ○白人參○如中氣虛熱口舌生瘡不喜飲食服之
 即效
 ○參苓膏治大人小兒脾胃虛冷嘔吐泄瀉及痘
 疹泄瀉並治
 白人參一兩 白朮一兩 茯苓一兩 白芫薹七錢

山藥一兩 木香五錢 砂仁五錢 肉荳蔻七錢
 ○鳳皇甘艸錢灸三
 右為細末煉蜜為丸如龍眼大每服一丸不拘
 時清米湯研化服
 ○治小兒脾虛泄瀉李堪澗傳
 山藥半生半炒為細末每服一二錢空心黑砂
 糖水調服
 痢疾
 三神丸 劉州判傳 治瀉痢
 南艸烏光圓者用二兩二兩燒存性一兩
去皮尖火煨一兩去皮尖生用

右為末水打麩糊丸如菘荳大每三五丸或八九丸水瀉軟水待冷送下○去血黃連甘草湯下○白痢乾薑湯下俱用冷服忌一切熱物鷄肉魚肝腥膩等物

○鐵門拴魏進士傳治赤白痢疾五種泄瀉

○小文蛤炒黃色黃丹二錢白礬半生半枯三錢

右為細末黃蠟一兩溶為丸如菘荳大每服大人十五丸小兒五七丸茶一錢薑二錢煎湯下

○鳳皇煎治休息痢及疳瀉日久不能愈者

鷄子一枚打破用黃蠟一塊如指大銚內鎔以

鷄子拌炒熟空心食之

○一方治噤口痢并瀉

用燒餅一箇乘熱分作兩邊將一邊納木鼈子泥搭臍上冷則易之

○一方治熱痢

黃連 細茶 生薑各等分水煎服

○封臍治痢良方張西齋傳

王瓜藤經霜晒乾燒存性

右為末香油調納臍中立效

○點眼治噤口痢方李與湖傳

○熱頭首胎糞

炙乾一錢

雄黃

五分

胡黃連

四分

右為細末點兩眼大背即效

○治小兒久瀉久痢不止及滿口生瘡白爛如泥疹

痛叫哭諸藥不效者張槐川傳

○一六巴荳

一個

瓜子仁

七個

燒錢灰

一個

右共搗一處如泥津調貼在兩眉間正中待成泡揭去即已

瘡疾

○芫花散治小兒瘡疾

芫花根為末每用一二分三歲兒用二分以雞

子一箇去頂入末攪勻紙糊頂口外用紙裹糖

灰火煨熟嚼吃

○天靈散

天靈蓋燒存性為末每服五釐黃酒調下立止

咳嗽

方蜜梨噙治咳嗽痰喘

甜梨一個刀切勿斷入蜜於梨內裹火煨熟

去麩吃梨

○保金丸宗杏川方

南星 半夏 白礬生 牙皂

巴荳 去殼 杏仁 去殼另研 各等分

右為末合一處再研令勻棗肉為丸如梧桐子大每三九針挑燈上燒存性研爛茶清調下

○一方治咳嗽發熱氣喘吐紅

天參 天花粉 等分

○天右為末每服五分蜜水調服

○一方治小兒喉中痰壅喘急

用巴荳一枚去殼搗爛作一丸以綿花包裹男左女右塞鼻中痰即墜下

氣喘

方一捻金 治小兒風痰吐沫氣喘咳嗽肚腹膨脹

不思飲食

小兒肺脹喘嗽多人看作風喉大黃檳榔二牽牛人參分兩來湊五味研成細末蜜水調量稀稠每將一字不咽喉不用神針法灸

右其証肺脹喘滿胸高氣急兩脇掣動陷下作坑兩鼻竅張悶亂嗽渴聲噴不鳴痰涎潮塞俗云馬脾風若不急治於旦夕也

盜汗

方治小兒盜汗潮熱往來

柴胡 胡黃連 各等分

右為細末煉蜜為丸如雞葦子大每十九至三十九銀器中用酒少許化開更入水五分重湯煮二三十沸放溫食後和渣服

蟲痛

方治小兒蟲積腹痛

巴荳 一枚去殼 硃砂 一粒

同研勻用鷄子一箇開頂微去白入藥在內攪勻仍將紙糊口用稗圍坐在鍋內水煮數令兒

食之或以茶清送下即打下所積蟲神效

○追蟲取積散 周左溪傳 治小兒蟲積食積熱積氣

積或肚大青筋腹脹而痛

雷丸 錫灰 檳榔 蕪荑仁

木香 大黃 煨 黑丑 史君子

鶴風 各等分

右為細末煉蜜為丸或蜜或砂糖水調服每二三匙

勝風

方五通膏 周景陽傳 治小兒勝風撮口

生地黄 生薑 葱白 蘿蔔子

田螺肉各等分

右共搗爛搭臍上四圍一指厚抱住候一時有屁下泄而愈

○香螺膏鑑泉兄傳治小兒臍風腫硬如盤

田螺三個入麝香少許搗爛搭臍上須臾再易腫痛立消

○獨神散治小兒臍風

用全蝎七個去蝎尾每個用中一節共七節火烤乾為細末乳汁送下小兒頭上微汗出即已

夜啼

方安神散 治小兒夜啼不止狀若鬼神

蟬腿七個下半截為末初生抄一字薄荷湯入酒少許調下或者不信將上半截如上服復啼

○如初古人立法莫知其妙

○花火膏 治邪熱乘心焦燥夜啼

燈花三顆以乳汁調抹兒口或抹妨乳上令兒吮之一方用燈心燒灰付乳上令兒吮之一方加硃砂一字共為末用白蜜調兒睡抹口內

丹毒

方泥金膏 治小兒一切無名腫硬炊赤但是諸般丹痛熱癩濕爛木人亦同此法

陰地上蚯蚓糞熟皮硝比蚯蚓糞三分之二一處研細新汲水濃調厚敷患處乾則再上

○赤龍散 治赤毒火毒走注

伏龍肝不拘多少用鷄子清調敷患處

口病

方牛黃散 治小兒口中百病鵝口口瘡重勝不能

乳及咽喉腫塞一切熱毒

牛黃 一分 片腦 一分 硼砂 一分 雄黃 二分

青黛 二分 朴硝 一分 黃連 八分 黃柏 八分

辰砂 二分

右為細末每少許敷口內

○瀉心湯 治小兒口疳

黃連為末每十字蜜水調服

○小兒口舌生瘡乃心脾受熱口瘡赤心臍熱口瘡

白脾冷口瘡黃脾臍熱

吳茱萸末醋調付脚心移夜即愈藥性雖熱能引熱下行其功至良

牙疳

方

玉蟾散 治小兒走馬牙疳 牙齦臭爛 侵蝕唇鼻

先用甘草湯洗淨 冷血出塗之 亦理身上肥瘡

○

小但疳瘡用之立效

黃連

即蝦蟇不鳴不跳者是用黃連半

○

麝香

少許 青黛 一錢

右為末 濕則乾 摻乾則香油調抹之

一方治小兒走馬牙疳 一時腐爛即效

婦人溺桶中 白垢火燉一錢許 入銅綠三分 麝香一分半 敷之立已

○

立效散

治走馬牙疳

○

黃丹

水飛 枯礬

京棗

適核燒 存性

共為細末 付之神效

眼病

方

拔毒膏 治嬰兒患眼腫痛

熟地黃一兩 以新汲水浸透 搗爛貼兩脚心 布

裹住效

○

一方治小兒赤眼

用黃連末水調貼脚心 乾則水濕之

○

一方治小兒熱眼

○南星 四分 大黃 六分

○右為末陳醋調勻左眼敷右脚底右眼敷左脚底裹脚纏縛俟口內聞藥氣即愈

頭瘡

方治小兒頭瘡胎毒等瘡

白芷 一兩 花椒 五錢 黃丹 五錢 枯礬 二錢

○五倍子 兩

右為末乾則香油調搽濕則乾搽之

○治肥瘡黃水瘡 秘方

紅棗 一錢 枯礬 一錢 黃丹 一錢 松香 一錢

官粉 五分 銀珠 三分

右為末濕則乾搽乾則香油調搽

發班

方治小兒常發風斑及脚常紅腫此脾經風熱也

防風通聖散去硝黃加鼠粘子酒炒黃連為末服之外用防風白芷薄荷黃芩黃連黃芪黃柏煎湯浴洗避風

小兒諸方

方保嬰百中膏

京師傳 治小兒疳癆瀉痢咳嗽不肯服藥及治跌撲傷損手足肩背并寒濕脚氣疼

痛不可忍者

瀝青二斤 威靈仙一兩 草麻子去殼一百二十枚 研

黃蠟二兩 乳香一兩 沒藥一兩 真麻油夏二兩 春

秋三兩 冬四兩 木鼈子去殼二十八 個切碎研

右先將瀝青同威靈仙下鍋熬化以槐柳枝攪勻須慢火滴入水中不粘手拔如金絲狀方可如硬再旋如油少許如軟加瀝青試得如法却下乳香沒藥末起鍋在灰上再用柳條攪數百次又以簾布濾膏在水盆內拔扯如金絲頻換水浸二日却用小銚盛頓如落馬墜車於破傷

疼痛處火上炙熱貼透骨肉為驗連換熱水數次浴之則熱血聚處即消小兒疳癍貼患處瀉痢貼肚上咳嗽貼背心上

混元丹 鮑思齋傳 養元氣和脾胃清火退熱化痰

理嗽定喘安神鎮驚祛風止瀉消積化痞止汗消脹利小便小兒百病

黃芪一錢 人參去蘆一錢 礞砂去皮二錢 白茯苓去心二錢
益智去殼六錢 莪朮火煨三錢 山藥薑汁炒二錢半
遠志甘草水泡去心一錢半 桔梗一錢 香附一兩
甘松入錢半 牛黃一分 麝香三釐 省十斤

滑石

六兩用牡丹皮五兩煎水去渣

辰砂

一兩甘艸一兩水煮


木香

一錢 白茯苓 錢半 去皮二

右為細末煉蜜為丸如小雀卵大金箔為衣每

服一丸米湯研化服驚風薄荷湯研化服

○萬億丸 方見通治 治小兒百病如神



王宇泰先生訂補古今醫鑑卷之十三

